

# INUIT ATAQATIGIIT

## Inatsisartuni



21. juli 2020

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

### **Naalakkersuisunut apeqqutit:**

- 1. Naalakkersuisut qinnuigineqarput, qanga qanoq iliorsimanermut piffissaq takutiitigalugu, 2019-ip ukiaani ukiumi atuarfiusumi bacheloritut ingerlatassat marluk Niuernermik Ilinniarfimmi ingerlanneqartussat pilersaarutaasut taamaatinneqarnerannut tunngatillugu pisut qulaajarnissaannut tigussaasumik qanoq iliuuseqarsimanertik nassuiaatigeqqillugu.**
- 2. Naalakkersuisut qinnuigineqarput ilisimatitsissutigeqqullugu pisumut tunngatillugu akisussaaffimmik inissiisoqarsimangersoq.**

(Inatsisartunut Ilaasortaq Sofia Geisler, Inuit Ataqatigiit)

### **Tunngavilersuut:**

2019-ip ukiaani, ukioq ilinniarfiusoq aallartittussanngortoq ullunik arfinilinnik sioqqullugu, Niuernermik Ilinniarfimmi ilinniarfissat marluk taamaatinneqarput, ilinniarniarlutik aallartittussanut inuusuttunut 12-inut imaannaanngitsumik kinguneqartumik. Taamatut pisoqaqqinnginnissaa soorunami kissaatigineqanngilaq, taamaattumik paaserusuppara pisumut tassunga tunngatillugu Naalakkersuisut qanoq iliuuseqarsimangersut.

Kissaatigivara apeqqutikka ullut suliffiusut qulit qaangiutinnginneranni akineqarnissaat.